

ՅԱՅՏԱՐԱՐՈՒԹԻՒՆ ԵԿԵՂԵՑԻՈՅ ՎԵՐԱԲԱՑՄԱՆ ԱՌԹԻԻ

Միբելի Հաւատացեալ Ծխականներ,

Ինչպէս արդէն լսեցիք, Մասաչուսեթսի Նահանգապետ՝ Չարլի Պէյքըր Եկեղեցիներուն արօտնութիւն տուաւ վերաբանալու իրենց դռները հաւատացեալ ժողովուրդին դիմաց: Այս առնչութեամբ, Եկեղեցւոյ Հոգաբարձութիւնը յառաջացուց նոր յանձնախումբ մը, որը շաբաթներէ ի վեր կ'աշխատի որ մեր ժողովուրդի զաւակները ապահով ու բովանդակալից պայմաններու ներքոյ վերադառնան Եկեղեցի: Սակայն պէտք է նշել, որ կառավարական սահմանափակումներուն կողքին, կու գան աւելնալու նաեւ Եկեղեցւոյ կողմէ հաստատուած սահմանափակումներն ու պայմանները: Այնպէս որ, եթէ կը փափաքիք ներկայ գտնուիլ Եկեղեցական արարողութեանց, ականատես պիտի ըլլաք զանազան տեսակի փոփոխութիւններու, որոնք հերթականութեամբ կը թուարկենք:

ԱՌՈՂՋԱՊԱՀԱԿԱՆ ՈՒ ԱՆՎՏԱՆԳՈՒԹԵԱՆ ԳՈՐԾԸՆԹԱՑՔ

Ընկերային Հեռաւորութեան Պահպանում

Նահանգապետը կը թոյլատրէ Եկեղեցիները բանալ, իրենց նստարաններու պաշտօնական թիւին, միայն 40 առ հարիւր տոկոսը գործածելու իրաւունքով: Ծխականներէն կը խնդրուի, թէ անոնք որոնք նոյն տան մէջ չեն բնակիր, պահեն վեց ոտք հեռաւորութեան հասկացողութիւնը ուրիշներէն: Իսկ նոյն տան մէջ բնակող անդամներուն պարագային, արօտնութիւն կը տրուի իրարու քով նստելու՝ վեց ոտքէն նուազ հեռաւորութեամբ: Անհատներու եւ ընտանիքներու նստարանները նախօրօք նախատեսուած եւ նշանակուած պիտի ըլլան: Սոյն ապահովագրութիւնները առաւելագոյնս պահպանելու համար, հոգաբարձութիւնը ուշադրութեամբ պիտի հսկէ ներկաներուն թիւը: Անոնք պիտի դիմաւորեն ու առաջնորդեն իրաքանչիւր անհատ կամ ընտանիք դէպի անոնց նստարանները: Ինչպէս նաեւ պիտի առաջնորդեն հաւատացեալներուն քայլերը եկեղեցի մտնելու, եկեղեցիէն դուրս գալու եւ Ս. Հաղորդութեան խորհուրդին մօտենալու պահերուն:

Բոլոր անոնք, որոնք Եկեղեցի պիտի յաճախեն (հինգ տարեկանէն վեր), կը խնդրուի իրենց հետ ունենան իրենց դիմակները (face coverings) եւ եկեղեցւոյ արարողութեանց ընթացքին հազած ըլլան զանոնք: Մուտքը պիտի արգիլուի բոլոր անոնց որոնք կը փորձեն առանց դիմակի եկեղեցի մտնել:

Առցանց - Հեռաձայնային գրանցում

Անոնք որոնք կը փափաքին եկեղեցի գալ, մինչեւ ցնոր տնօրինութիւն, պէտք է կանխօրօք արձանագրուին եկեղեցւոյ կայքէջի, ե-նամակի հասցէի կամ հեռաձայնի միջոցաւ **մինչեւ Ուրբաթ օր ժամը 3:00-էն առաջ**:

Առողջապահական Ու Մաքրութեան Գործընթացք

Եկեղեցի մտնողին մարմնի ջերմատիճանը պիտի ստուգուի: Եթէ որեւէ ձեւով դուք ձեզ լաւ չէք զգար, կամ՝ Պսակաձեւ Ժահրի որեւէ մէկ ախտանշան կը զգաք, եւ կամ՝ Ժահրի վարակման քննութեանց արդիւնքները դրական եղած կամ 65 տարեկանը բոլորած էք եւ կամ առողջապահական լուրջ խնդիրներ ունիք, կը թելադրենք որ անպայման տունը մնաք:

Պետութեան կողմէ հայթայթուած ուղղեցոյցները կ'առաջարկեն, որ պատուհաններն ու դռները բաց մնան: Եթէ օդը ցուրտ ըլլայ, ձեր հետ ունեցէք թէթեւ վերարկուներ, իսկ եթէ տաք է՝ արդէն զովացուցիչ գործիքները պիտի աշխատին:

Բոլոր ծխականները կարելիութիւնը պիտի ունենան ձեռքերու լուացման, ինչպէս նաեւ այրոհողով պատրաստուած հականեխիչներ օգտագործելու, որոնք մատչելի պիտի ըլլան եկեղեցւոյ տարբեր մասերուն եւ անկիւններուն:

Եկեղեցին արդեն մասնագիտական եւ խոր մաքրութեան եւ ախտահանման ենթարկուած է, իսկ նահանգապետի հրամանով՝ իւրաքանչիւր արարողութենէ ետք, կրկին անգամ պիտի մաքրուի ու հականեխուի:

Ընկերային Հաւաքոյթներ Եւ Շփման Կապի Սահմանափակումներ

Ճգնաժամային այս օրերուն, եկեղեցոյ արարողութիւններէն անդին, ընկերային այլ հաւաքոյթներ՝ սուրճի եւ ճաշկերոյթի հաւաքները խստիւ արգիւում են:

Առ այդ, ժողովուրդին մէջ պիտի չդարձուի նաեւ եկեղեցոյ պնակը: Բանկայի սեղանին վրայ զետեղուած պիտի ըլլայ տուփ մը, ուր կրնաք դնել ձեր սրտաբուխ նուէրները: Կարելի է Վճարագիրով կամ առցանց վճարում կատարել: Անոնք որոնք կը փափաքին Մաս ունենալ, տուն տանելու կամ իրենց հարազատներուն տրամադրելու, նախօրօք պատրաստուած պիտի ըլլայ որ բանկայի սեղանին վրայ դրուած է: Ստորեւ կը նշենք նաեւ Ս. Հաղորդութիւն ստանալու ձեւը:

Եկեղեցական Արարողութիւններ

Այստեղ, անհրաժեշտ կը նկատենք պարզաբանել ու բացատրել մեր ասանդական Պատարագին մէջ տեղ գտած՝ կարգ մը ժամանակաւոր փոփոխութիւններու մասին, որ մեզի առիթ կ'ընծայէ առողջ եւ ապահով կերպով մասնակցինք արարողութեանց, հետեւելով ներկայի առողջապահական ուղեցոյցին: Այս կարգադրութիւնները ի գործ կը դրուին, ի նպաստ հոգեւորականին, Դպրաց Դասին եւ Սարկաւագներուն, ինչպէս նաեւ աշխարհականներուն՝ հաւատացեալ մեր ժողովուրդի զաւակներուն առողջութեանն ու անվտանգութեանը համար: Յետագային, պայմաններու փոփոխութեանց հետ, համապատասխան փոփոխութիւններ կը կատարենք նաեւ մենք:

Սուրբ Պատարագ

Ս. Պատարագը սկիզբ կ'առնէ Տէրունական Աղօթքնով (*Հայր Մէր*), որմէ ետք, երբ քահանան կ'արտասանէ՝ Օրհնեալ Թագաւորութիւնն Հօր եւ Որդոյ եւ Հոգւոյն Սրբոյ...ն, կը բացուի Ս. Խորանին վարագոյրը:

Ողջոյն

Ողջոյնի պահուն, երբ սարկաւագը մեզ կը հրաւիրէ իրարու հետ կիսելու Քրիստոսի յայտնութիւնն ու խաղաղութեան համբոյրը, Քահանան ժողովուրդին դառնալով, կ'ըսէ. Ողջոյն տուք միմիանց, Քրիստոսի մէջ մեր յայտնեցաւ: Այդ պահուն, ներկայ հաւատացեալները պարտին իրենց նստարանները չլքել, եւ ուրիշին չմօտենալ, այլ իրենց գրաւուած տեղերէն պատասխանեն. Օրհնեալ է Յայտնութիւնն Քրիստոսին: Որմէ ետք երգչախումբը կ'երգէ՝ Քրիստոսի մէջ մեր յայտնեցաւ:

Սուրբ Հաղորդութիւն

Սուրբ Հաղորդութեան մատակարարման մասին, մենք պիտի հետեւինք Առաջնորդ Սրբազան Հօր առաջարկին թէ՛ Սուրբ Հաղորդութիւնը պիտի մատակարարուի յընթացս Սուրբ Պատարագի: Որպէս Հայ Եկեղեցոյ զաւակներ, գիտենք ու կը հաւատանք որ Սուրբ Հաղորդութիւնը լիիրաւ, կենդանի եւ կենդանարար Մարմինն է եւ սրբազնագոյն Արիւնն է մեր Տիրոջ Յիսուս Քրիստոսին, որ հաւատքով, յոյսով եւ սիրով կը մատակարարուի: Անկախ ներկայի օրէնքներէն, պատարագիչը կանոնական բժախնդիր մաքրութեամբ միշտ զայն հրամցուցած է հաւատացեալներուն: Լիովին կը հասկնանք ու կը բաժնենք այն հաւատացեալներուն մտահոգութիւնները որոնք կրնան տատամսիլ Սուրբ Սեղանին մօտենալ: Վստահ եղէք, բոլոր հաւատացեալներուն ներկայութիւնը նոյն սիրով կ'ողջունուի եկեղեցիէն ներս:

.Բաժնեկցելով առողջապահական մտահոգությունները, ցնոր տնօրինություն Սուրբ Հաղորդությունը տեղի պիտի ունենայ փոքր շեղումով աւանդական ձեւէն, ըստ որում պատարագիչը Սրբութիւնը հաւատացեալին բերանը կը դնէր: Ներկայիս, պատարագիչը Սրբութիւնը պիտի դնէ հաւատացեալին ափին մէջ, հաղորդուողը ուղղակի զայն ճաշակէ եւ անմիջապէս ետք՝ յարգելով Հաղորդութեան սրբութիւնը, իր ձեռքը մաքրէն:

Իսկ անոնք որոնք կը փափաքին Ս. Հաղորդութիւն ստանալ, պարտին հետեւիլ Հոգաբարձութեան ցուցմունքներուն, որոնք պիտի հսկեն իրարու միջեւ հեռաւորութիւն պահելու հասկացողութեան գործադրութիւնը:

Մոմավառութիւն

Եթէ կը փափաքիք մոմ վառելով աղօթել կը խնդրուի համբերութեամբ սպասել որ ձեր կարգը գայ քանի որ միայն երկու մոմավառութեան կայաններ բաց պիտի ըլլան որպէսզի եկեղեցոյ մէջի երթալ-գալը նուազի: Անձերու միջեւ ապահով հեռաւորութեան միջոց պահելու համար մարդիկ մէկ-մէկ պիտի մօտենան մոմ վառելու: Հականեխուած մոմեր կարելի է ստանալ Բանկայի սեղանէն: Տէր Հայրը կը շարունակէ մոմ վառել անոնց համար որ եկեղեցի չեն կրնար գալ:

Հոգեհանգստեան Պաշտօն

Յաւարտ Սուրբ եւ Անմահ Պատարագի, հոգեհանգստեան պաշտօն պիտի կատարուի բոլոր այն հոգիներուն համար, որոնց անունները նախօրօք փոխանցուած կ'ըլլան եկեղեցոյ գրասենեակին: Եկեղեցական արարողութեանց ընթացքին, հոգաբարձութեան գրասենեակ մուտքը բարցարձակապէս անհասանելի պիտի ըլլայ (արգիլուած է): Իրարու հետ անմիջական շփումներէ խուսափելու նպատակով, կարելի պիտի չըլլայ նաեւ բանկայի սեղանին վրայ դրամի փոխանակութեան, առ այդ, եթէ կը փափաքիք նուիրատուութիւն ընել կամ մոմ վառել, վստահ եղէք որ ձեր մօտ ունենաք այն գումարը, որ կ'ուզէք նուիրել:

Արձակում

Այս ժամանակահատուածին, Ս. Պատարագի աւարտին կը դադրեցնենք Ս. Աւետարանը համբուրելու աւանդութիւնը: Ինչպէս վերեւ յիշեցինք, մասն-երու փաքեթները զետեղուած պիտի ըլլան եկեղեցոյ դրան մօտ, որպէսզի հաւատացեալները կարենան իրենց հետ տուն տանիլ եւ տալ անոնց, որոնք չկարողացան մասնակցիլ Ս. Պատարագին:

Ներկայ կացութեան մէջ, հաւատացեալներէն կը խնդրենք որ յարգեն վեց ոտք հեռաւորութեան հասկացողութիւնը եւ խուսափին ընկերային հաւաքոյթներէ: Դարձեալ, ներկայ կացութեան մէջ, Ս. Պատարագին (կամ արարողութեանց) յաջորդող աւանդական սուրճի ժամերը յետաձգուած են:

Թող որ Աստուած օրհնէ բոլորդ:

Աղօթարար՝

Անդրանիկ Աւ Քինյ. Պալճեան